

# Abat Leoun Spariat

## Odo à Mistral

O vous que la Prouvènço aclamo,  
Estènt que d'uno raço flamo  
Pourtas en vous lou cor e l'amo,  
O Mèstre illustre e bèn-ama;  
O vous qu'avès à nosto raço  
Sèmpre resistènto à l'aurasso  
Di fièrs aujòu moustra la traço;  
O vous qu'au pople desmama  
D'aquelo lengo franco e blouso  
Parlado de Niço à Toulouso  
Que li nacioun n'en soun jalouso  
Coume un proufèto avès clama.